

Hic optime applicatur in sensu affirmativo sententia P. Grentrup, quam ille in dubio reliquit quoad naturam hierarchicam institutionis Vicariorum Apostolicorum Hollandiae. Ille nempe quaerit: an illi Vicarii Apostolici Hollandiae considerandi sint ut Vicarii sensu juris missionarii, vel potius ut hodierni administratores apostolici, quia etsi de facto episcopatus Hollandiae erant vacantes, iudice tamen existere pergebant. Solutio hujus quaestionis dependet ab alia, quando nempe S. Apostolica, episcopatus Hollandiae, qui jam longo tempore in praxi — de facto non existebant, iudice etiam cadere admisit. Ex hoc enim momento considerandi essent Vicarii Apostolici Hollandiae in sensu illorum in missionibus proprie dictis. Quia vero hoc ignoratur, propterea neque de characterе hierarchico illorum liquet.⁷⁰

Econtra, in Bosna certum est episcopatum bosnensem nec de facto nec de jure umquam desiisse,⁷¹ neque S. Sedes introductione Vicariorum Apostolicorum quidquam iurium episcopo bosnensi detrahare intendit, ut patet ex epistola supra allata. Propterea illa Vicarium Apostolicum bosnensem considerabat ut administratorem. Inter alia, sic a.

⁷⁰ »Für eine bis zur Spitzfindigkeit genaue Untersuchung käme es darauf an, festzustellen, wann der Apostolische Stuhl die niederländischen Bistümern, die praktisch längst nicht mehr funktionierten, auch juristisch vollkommen fallen liess und als gänzlich beseitigt ansah. Von diesem Zeitpunkte ab wären die Apostolischen Vikare in missionsrechtlichem Sinne zu datieren. Weil sich diese Feststellung mit unanfechtbarer Klarheit gar nicht machen lässt, müssen wir, um ganz korrekt zu verfahren, über den hierarchischen Charakter der ersten Apostolischen Vikare in den Niederländer ein Non liquet aussprechen«. Grentrup, Zur Geschichte und Ernennung der Apostolischen Vikare, ZMW., XVI (1926) 112.

⁷¹ De facto pars dioecesis in Slavonia existerat cum proprio episcopo ordinario, cum qua altera pars sub Turcarum potestate remanens, etsi ab a. 1735 e jurisdictione episcoporum bosnensium subducta, iudice tamen in unione perduravit usque ad a. 1881, quo Leo XIII hierarchiam episcopalem ordinariam restituens etiam iudice pro semper provinciam bosnensem ab illa parte episcopatus in Slavonia avulsit. Cfr. Constitutionem Leonis XIII »Ex hac augusta« in Acta O. F. M., I (1882) 102. Propterea non sine ratione, ut videbimus postea, notus episcopus Diakoviensis seu bosnensis, J. Strossmayer a Pio IX pro se jurisdictionem in totam Bosnam quaerebat. Cfr. Gavranović, o. c. 261 n. 5.